



ЛЕНИНЭНЬ КИЯВА

ВЛКСМ-нь Мордовской обкомонть ды Саранск ошонь комитетэнтъ газетаст

1941 ие
И Ю Н Е Н Ь
18-це чи
67 (1363) №

ЛИСИ: 11-це нв,
12 № ковс

Эрва КОЛХОЗОНТЕНЬ— ВОДОЕМ

Иеде теде икеле Воронежской областень Таловской райононь «Железнодорожник» колхозонь колхозниктне сэрмадсть сэрма эсест областень колхозниктненень, конасонть тердсть сынт теес сэлт, плотинат. Те сэрманть лангс кармасть отвечамо аволь ансяк Воронежской областень колхозниктне, но минек масторонь весе колхозонь комсомолетнэ ды од ломатне. Водоемонь строительствась колхозтнэс ды совхозтнэс кармасть улеме всенародной массовой движениакс.

ВЛКСМ-нь ЦК-нь XI-це пленумось примась специальной решения комсомольской организациятнень участия-дост местной водоемтнень строямосонть. Весе комсомолетнэнь икелев аравтозель боевой задача—добовамс сень, штобу эрва колхозонть улевель эсензэ водоемозо.

Минек республикань комсомольской организациятне кеместэ кундасть ВЛКСМ-нь ЦК-нь XI-це пленумонь решениятнень топавтомантень. Комсомолетнэ чувств лисьмат, ванькскавствэ лейть, ды тейть сэлт. Сынт инициативаст коряс республикасонть теэз 210 сэлтто ламо, ванькскавтозъ 259 водоем ды чувозъ 92 лисьма. Примеркс, Атяшевской районсо тейть 36 сэлт ды чувств 17 лисьма, Б.-Игнатовской районсо ванькскавствэ 28 сэлт.

Ламо комсомолет ды аволь союзной од ломат невтсть паро пример местной водоемтнень строямосонть. Мельцанской райононь Сталин лемсэ колхозсонть комсомолетнэнь инициативаст коряс теэз сэлт, конань площадез 2 гектар. Строймозонзо при-мась участия 13 комсомолет ды 28 аволь союзной од ломань.

Ансяк аволь эрва косо комсомолетнэ иста роботаст те тевсэнь. ВЛКСМ-нь башка райкомтне эзизь мобилизова комсомолетнэнь ды аволь союзной од ломатнень местной водоемтнень стро-ямо. Б.-Березниковской районсонть (ВЛКСМ-нь райкомонь секретаресь Коль-ина ялгась) комсомолетнэнь инициативаст коряс апаз тее вейкеяк водоем. Ладской районсо (ВЛКСМ-нь райкомонь секретаресь Шебулев ялгась) комсомолетнэнь ды аволь союзной од ломатнень инициативаст коряс теэз ансяк вейке водоем.

Тосо, косо комсомольской организа-циятне ды колхозонь руководителне кеместэ кундасть водоемтнень строямонть, тосо колхозтне получить допол-нительной доходт.

Комсомолетнэнь ды од ломатнень эрви явомс пек покш мель се-нень, штобу эрва чистэ касоволь ды кемекставоль артельной хазайствась. Ведесь эрви урожайностень кепедемс ды скотинань трам-раштамс. Секс эр-ва колхозсо должен улеме водоем. Ла-мо комсомольской организацият те не-стэ невтсть вадра инициатива водоем-тнень строямосонть. Примеркс, Дубенской райононь «Красный Восток» колхозонь комсомолетнэ пек лездась колхозон-тень теес сэлт. Ней сын анюкстыть строительной материал водоемонь стро-ямс ды ванькскавтыть лейть. Ст.-Шай-говской райононь «Красный восток» колхозонь комсомолетнэ ды од ломат-не сэлтонть крайга озавтнест чувт ды курот.

Неть комсомолетнэнь роботаст улезэ примеркс весе комсомолетнэнь ды од ломатненень. Эрва комсомолетнэ-тень эрви бороцямс сень кис, штобу есе колхозтнэс улевель водоемт.

МАССОВОЙ ПРОФСОЮЗНО-КОМСОМОЛЬСКОЙ КРОССОСЬ



Профсоюзно-комсомольской кроссонь васенце чись Саранскойсэ.
СНИМКАСОНТЬ: кроссонь участник-не И. Лактев ды П. Брагин стартео.
Фотосъ П. Ивановонь.

Вадря результатт


Зубово-Полянской райононь комсомо-летнэ пек виевста бороцясть сень кис, штобу профсоюзно-комсомольской кроссонть анокстамсто кирдемс ВЛКСМ-нь обкомонь переходящей як-стере знамянь, конань сынъ получиць гимнастической соревнованиятнень вад-рясто ютавтоманть кис. Сех покш мель явствэ тренировкантень. ФЗО-нь шко-ласонть комсомолетнэ ды од ломатне тренировкас пурнавкшность зярый раз. 130 ломань шкасто чинизь тешкстаз дистанциянтень июнень 15-це чинть самс.

Промартельсэнь ВЛКСМ-нь комите-тэсь добовась сень, што кроссонть при-мась участия мие 50 иесэ робочейть (Каменновдсан, Волков ды лия ялгатне).

Иста жо вадрясто ютавтсть трениров-канть райсвязень, банконь, промарте-лень, райфонь комсомолетнэ ды од ломатне. Тренировкас стяко эзъ ёма.

Июнень 15-це чистэнь, профсоюзно-комсомольской кроссонь васень чистэнь, 985 ломань максызь ГТО-нь нормат-нень чийнеманть коряс.

Безруков.



Профсоюзно-комсомольской кроссонь васенце чись Саранскойсэ.

СНИМКАСОНТЬ: кроссонь судейской коллегиясь ванкшны чийнемань резуль-татнэнь. Фотосъ П. Ивановонь.

Васень чинь итогтне

ВЛКСМ-нь обкомось тейсь профсо-юзно-комсомольской кроссонть васень читнень итогт. Кроссонь ютавтоманть коряс республикасонть сех икеле мо-литъ районтэ: Чамзинской (ВЛКСМ-нь райкомонь секретаресь Пурцакин ял-гась), Зубово-Полянской (ВЛКСМ-нь рай-комонь секретаресь Кондратьев ялгась), Рыбинской (ВЛКСМ-нь райкомонь се-кретаресь Офтин ялгась), Инсарской (ВЛКСМ-нь райкомонь секретаресь Ло-сев ялгась), Игнатовской (ВЛКСМ-нь райкомонь секретаресь Малькин ялгась)

ды Саранской районсо (ВЛКСМ-нь райкомонь секретаресь Бочкарев ялгась) Соревнованиятне васень читнестэ беря-нестэ ютасть Ст.-Шайговасо (ВЛКСМ-нь райкомонь секретаресь Дуденков ял-гась), Темниковасо (ВЛКСМ-нь райко-монь секретаресь Акимов ялгась), Лам-бирсэ (ВЛКСМ-нь райкомонь секрета-ресь Шемет ялгась), Мельцансо (ВЛКСМ-нь райкомонь секретаресь Ка-дикин ялгась) ды Ладасо (ВЛКСМ-нь райкомонь секретаресь Шебулев ял-гась).

Невтизь эсь анокчист трудонтень ды оборонантень

Покш радость марто вастызь проф-союзно-комсомольской кроссонь ютавто-мань чинть Саранск ошонь комсомолет-нэ ды од ломатне. Васень чистэнь старте лиссть 222 ломань. Кроссонь весе участниктнень ульнесь покш ме-лест максомс ГТО-нь васенце ступенень норматнень чийнеманть коряс.

154 ломань топавтызь эсь мелест. Сынт ютксто 22 од тейтерь-ава, конат

успешнасто чинизь тешкстаз дистан-циянт. Статучетонь управлениянь ро-ботницась А. Ухова ялгась 500 мет-ратнень чинизе 1 минутас 48 секун-дас.

Кроссонть примась участия 115 комсомолет, конат невтизь эсь анок-чист трудонтень ды оборонантень.

Г. Бухгольц.

ССР-нь Союзонь Наркомфинэнтъ сообщениязо

Колмоце Пятилеткань (нилеце иень-нолдавт) Заемонть лангс сэрмаптомась 1941 иень июнень 16-це чинтень пач-кодъ 10 миллиард 834 миллион 229 тыща целковой, лияке меремс заемонь аравтозъ сумманть коряс 1 миллиард 334 миллион 229 тыща целковойде ла-

мо. Тень кувалма СССР-нь Наркомфи-нэсь СССР-нь СНК-нть указаниязо ко-ряс тейсь распоряжения Колмоце Пяти-леткань (нилеце иень нолдав) Зае-монть лангс седе тов сэрмаптоманть 1941 иень июнень 17-це чистэнь са-езъ лоткавтомс весе таркатнесэ.

Покш активность

Ельниковской райононь Ново-Ямской МТС-нь трактористнэ покш мельсэ сэр-мацствэ од заемонть лангс. Сех вад-ря трактористэсь Зверков ялгась сэр-мацствэ 150 целковой. Сонзэ примерэ-нэ коряс тейть лиятнеяк. Весемезэ

трактористнэ од заемонть лангс сэр-мацствэ 5.570 целковойс.

Саранск ошонь пожарной охранань 22 работниктне госуарствантень заем-максствэ 12.700 целковой.

Кроссонть ульнестъ 1.238 ломань

Июнень 15-це чистэ Чамзинка велесэ пуромствэ вейс 362 виев, жизнера-достной од ломат ды Курочкина, Па-някин ды Ульянов ялгатнень руковод-ства коряс ютавтсть профсоюзно-ком-сомольской кросс.

Ламо ялгат максызь ГТО-нь васенце ступенень норматнень. Комсомолетэсь Ефимов ялгась 3 минутань перть чин-зе 1.000 метра дистанциянт, Кузьми-кова комсомолкась—500 метра дистан-циянт 1 минутас, Розанов ялгась—1.000 метратнень чинизе 3 минутас 11 секундас.

Аволь беряньстэ ютавтызь профсоюз-но-комсомольской кроссонть пенккоза-водсо, «Новая жизнь» ды «Новый путь» колхозтнэсэ.

Ламо таркасо чийнемадо мейле ком-сомолетнэ организовасть интересной налксемат ды максствэ норматнень гранатань ёртнеманть коряс.

К. Павлов.

Максызь чийнемань коряс норматнень

Саранской районсо кроссонть при-мась участия 23 комсомольской орга-низация. Весемезэ жо кроссонь участ-никтнеде лововствэ 522 ломань, сынт айста 331 комсомолет ды 192 аволь союзной од ломань.

Те кроссось невтизе, што минек масторонь комсомолетнэ ды од ломатне свал анокт социалистической родинань ванстамо. Чиемань норматнень максызь 319 комсомолет ды 171 аволь союзной од ломань. Кроссонть ульнестъ ламо призывникъ, конат шкасто чинизь тешкстаз дистанциянтень.

Паро показателть невтсть Атемар-ской медпунктонь комсомолетнэ. Сынт айста кроссонть примась участия 9 ло-матъ. 3 комсомолет ГТО-нь васенце ступенень значоконть лангс чиемань норматнень максызь отличнасто.

Зыковкань комсомолетэсь-призывни-кесь И. Коннов ялгась 1000 метрат-нень чинизе 2 минутас 47 секундас.

Течи топодсть вете иеть А. М. Горькоень куломандонзо мейле

РЕВОЛЮЦИЯНЬ БУРЕВЕСТИК

Алексей Максимович Горький—человечество пек покш писателе, революциян трибуно—эрясь покш эрямо, кона пешксе творческой покш теде, революциян дь трудячтень интереснень апак сизе служамодо.

Эсенз пек виде художественной произведениян, публицистической виев эсь статьянесэ Горький—царизмань шкань стака иетнень свидетеле—невтинзе, кода сонсь мерсь, ташто обществань «кивень мерзостенз» дь реакциян сехте стака иетнень пачк кандызе валдо кемемань ломанень лангс, кона достойной эрямс седе вадрасто.

Литературантень Горький сась 90-летнестэ—Россиясо капитализмань бойкасто касомань, робочей движениянть кепетемань дь марксистской кружоктень ламолгадомань шкастонть. Горькоень васенце ёвнематне, сынст революционной сэрей романтикась, сонз произведениянть непокорной, дерзкой, мятежной героес—ульнесь аравтозь царской Россиян звериной, мещанской бытэнь каршо дь художественно образной формасо невтизь пролетариатонь революциян касыця виенть, передовой, робочей классонть активной дь героической настроениязо.

Горький ульнесь революциян буре-вестникекс, социализмань пропагандистэкс.


Виев, смелой, гордой ломатнеде покш арсемась Горькоень пачтизе сонзэ васень шкань ёвктеннь-легендатнень романтикантень («Изергиль баба», «Моро соколдо», «Моро Буревестникте»), поэтической вымыслатнес соколдо, кона храброй куломанть ловизе ущельясо аштекшнемандонть вадрякс, Данконь седейденть, кона пек вечкилизе ломатнень. Неть ёвнематне, конатнень эйсэ пек ламо протест собственнической бытэнь мерзостеннь каршо, ломатнень эйс кирвастиль мужеством чувств, эксплоататорнень строенть ёртомандо кие бороцямонтень анокчи,—сын ульнесь художественной прокламациякс дь теисть писателентень пек покш популярност сеть иетнестэ, конат ютасть 1905 иень русской васенце революциядонть икеле.

Социализмань сыця победантень томка кемема минь нейдяно Горькоень весе произведениянестэ, конат сёрмадозь Октябриян читнеде икеле.

Горьковской творчествань центральной тематнень эйстэ вейкекс ашти капитализмань китнень, сонзэ касомань внутренней тенденциянть художественной невтемась, конат эсь мартост кандыль капитализмань неизбежной ёмамандо («Фома Гордеев», «Городок Окуров» дь лият). «Трое» эсенз покш повестьэнтэ, сеске жо 1905 иень революциядонть мейле сёрмадозь «Враги» пьесасонть Горький карадо каршо аравтэс кавто мирт—эксплоататорнень мирэнтэ дь робочейтнень мирэнтэ—дь невтизе, што пролетариатось решительно лиси изниакс «эрямонь азортнень» мартэ икелепелень сынст бороцямосонть. Пьесадонть мейле Горький сёрмадызе «Мать» знаменитой романонтэ, конань пек парсте оценил Ленин. Те романсонть Горький невть робочеень-большевикеень замечательной образ, невтизе, кода чопода, забитой авась теевсь героической революционной бороцьякс дь пек томкасто невтизе социализмань идеянтень виест, сынст значениян робочей массатнень революционной пробуждениянть туртов.

Великой Октябрьской социалистической революциядонть икелень иетнестэ Горький сёрмадынзе «Детство» дь «В людях» автобиографической повестнень. Те аволь аныак парсте ёвнемзэ, эсь содержаниянз коряс жуткой, художественной автобиография. Те—царской Россиянть, дь сонзэ теевть, сонзэ ванставт весе политической, социальной

дь бытовой строенть гневной обличения. Те—капиталистической системанть казимо приговор. Те—повесть ломаненть покш обидатнеде, сонзэ маньмодо дь сонзэ лангсо нарыгамотнеде, «заразной ламо рудаздонть» дь «эрямонь ядовитой отраватнеде»—самодержавной российской действительностень весе нулгодьктнеде. Но те—аволь кемемавтомато картинат, конат ношкалгавтыть ломаненть кенярков кемемандо;



сынст эйсэ покш кемема ломаненть лангс, народонть певтене виитнень лангс. Неть повестнень ведущей героес—сонсь Горький, сонзэ се арсеманть мартэ, што «подлой» дь «покордамонь» действительностэс должен улеме калавтоз мезеяк лангс апак вано, што ломанесь может дь должен тапамс весе пирывктеннь, весе стакатнень, конат аштить справедливой, валдо дь мазый эрямонть молемань кинть лангсо.

Некеть жо идеянтень, действительностэс революция вельде одкс тееме тердеманть минь мукшнотано сеть иетнестэ Горькоень зиряя статьясто дь общественной выступлениясто. Горький видестэ мерсь эсензэ кувалт: «Монь общественной роботанть смыслазо, кода мон сонзэ чарькодса, кастомс-кепедем ломатнень эйс действенной отношения эрямонть».

Горькоень эйсэ художникесь а явови революционерэнтэ эйстэ,—дь секс самий од эпохась, Великой Октябриян эпохась, ульнесь социализмань торжестванть кие сонзэ действительностэс органической дь еще седеяк пек томка поладксос. Дь советской иетнестэ Горький ловсь эсензэ основной художественной задачкас, кода сонсь мерсь, моравтомс «панихида» ташто мирэнтень, «допрок тапамс старинканть, весе сонзэ мазыйне дь нулгодьксэв наксадовксонть мартэ». Те «старинканть» Горький «допрок тапизе» «Мои университеты» автобиографической повестэнтэ, «Дело Артамоновых» романсонть, конаньсэ вейке семиян колом поколенинтень примерэнтэ коряс невтизе российской капитализманть историянз, сонзэ наксадомань процессэнтэ дь сонзэ калмицянтэ—пролетариатонть неизбежной победанз; «Егор Булычев и другие», «Достигаев и другие» пьесатнесэ, косо сон невтинзе русской буржуазиянть историянть меельце страницатнень, невтизе сонзэ идейной кризисэнтэ, эксплуататоронь классонть обреченностенз; «Жизнь Клима Самгина» ниле томсо пек покш эпопеясонть, конаньсэ эрва ёндо невтезь типичной буржуа, трусливой мещанин, интеллигент-либерал, кона эрямосонть сехте независимой, паро дь сётме таркань

вешнезь, лицемерно примыкает революциянтень, мейле жо предательски изменяет сонензэ.

Горький, кода сонсь мерсь, ульнесь сень кие, штобу советской гражданинэнтень «привить» «оздоровляющей ненависть» ютасть шкань строентень. Сон кеместэ дь кежейстэ обличал мещанской психологийс сеть ломатнень, конат пелить одонтэ эйстэ, эрямонь койтень одкс теемадонть, кона койтненень

несь седе, што зардо эсь талантливостензэ коряс удивительной русской народось «карми роботаме трудонть культурной... значениянзэ педепев чарькодэз»,—сон карми эрямо ёвксос ёвнематневица героической эрямосо дь ламос тонавтсы преступлениянтень эйстэ и таштомозь, и азаргадозь те мирэнтэ».

Горькоень художественной гениесэ панжсь од эпоха искусствасонть. Горький ульнесь весе мирэнь трудячтень вечкевикс писателекс, од, социалистической литературань ушодыцякс.

Вете иеде теде икеле тусь минек юткесто Горький. Прок революциян страстной трибунонь, большевистской изнявктеннь морыцянь, сонзэ апак сизень деятельности, Ленинэнь—Сталинэнь теветь кие сонзэ бороцямонть а вечкилиз империализмань прислужниктне, социалистической родинань вратне—дь сонзэ злодейски куловтызе «право-тропкистской блокстонть» убийчатнень бандась.

Горькоень—великой русской народонь великой цёранть куломасонзэ—масторось ёмавтсь гениальной писатель, валонь непревзойденной художник, трудячтень беззаветной оя, коммунизмань победанть кие апак сизе бороцья, писатель дь революционер, кона, Ленинэнь валонзэ коряс, конатнень сон ёвтынзэ еще 1909 иестэ, «кеместэ эсь прынзэ сюлмизе эсензэ великой художественной произведениянестэ Россиян дь весе мирэнь робочей движениянть мартэ...» (XIV-це том, 211 стр.).

Горькоень пек паро творениятне, сонзэ героической духось дь покш волясь эрит ней дь кувать кармить эрямо человечествасонть. Горькоень—великой трибунонь, убежденной революционерэнтэ, нестигаемой сталинэнтэ образстонзэ, сонзэ замечательной художественной полотнатнень яркой картинатнестэ минь свал карматано сайнеме вдохновения социализмань масторсонть ломаненть творческой пек покш виитнень расцветэнтэ кие бороцямонть туртов.

Дь минек мельсэ—Горький истямо ломань, кона зардожэ а кулы.

Проф. С. Д. Балухатый.

**А. М. Горькоень
произведениянтень 40,5
миллион экзemplяра**

Июнь 18-це чистэ топодить 5 иеть великой пролетарской писателентэ А. М. Горькоень злодейской маштома чистэзэ. СССР-нь ламо оштнесэ дь велетнесэ ютавотить литературной чокшнеть, лекция дь докладтэ, конат посвященыйтэ вечкевикс писателентэ эрямонстань дь творчестванстань.

Горькоень пек вадра произведениянтень пек парсте содасызь минек масторонь трудячтне. Всесоюзной книжной палатанть данносэ коряс, сын СССР-сэ 1917 иестэнтэ сазы 1941 иень васенце чинтень полдаз 40,58 миллион экзemplяра общей тиражсо. Рузонь кельсэ А. М. Горькоень книгатне листэ свестэ 35,55 миллион экзemplярт тиражсо дь лия кельтнесэ—5 миллион экзemplярдэ ламэ.

Великой русской писателентэ пек вадра книгаанзэ ней ловныть родной кельсэ минек масторонь ламэ народтэ, конатнень Октябрьской революциядонть икеле арасель натой эсест письменное тест.

Горькоень пек покшольт патриотической чувстванзэ, сон а весть корт-

(ТАСС).

Зярдо комсомольской организациянь секретаресь а нейти личной пример...

Зярдо кармат кортнеме Кеняйки ялганть марто политической тонавтнемадо, сон кода-бути апергадозь мери:

— Тон таго книгадо... Тонсь ловнок, монень а ютко...

Ды те алкукск аиста Кеняйки ялгась а повнясыяк, зярдо кедезэнзэ сайнесь книга. А ведь сон—Косогор велесэ «Большевик» колхозонь комсомольской организациянь секретарь. Кода жо сон может руководить комсомольской организацией, кода может максомс леске тонавтнемазонь комсомолетнень, бути сонсь политически неграмотной?

А тонавти Кеняйки сонсь, а тонавти организациясонь весе комсомолетняк. «ВКП(б)-нь историянь краткой курсонь» кияк натой эзизе ловнояк. Комсомолетнень политической уровенест пек алкине ды сын а

бажитькак сонзэ кепедеме.

Тень кувалт лавшосто аравтозь организациясонь весе комсомольской роботась. Арась тосо боевой, лакицяэрямо. Чуросто эрсить собранияткак. Колхозниктень, од ломатнень ютксо культурно-массовой работа комсомолетнэ а ветить. Ули колхозсонь клуб. Сон свал эри пекетазь. Панжтнесызь ансяк сестэ, зярдо эрсить колхозной собраният. А ведь самай тосо ды колхозной производствасо комсомолетнэ могли келейстэ ветямь культурно-массовой работа. Арась, «Большевик» колхозонь комсомолетнэ иста а тейнить.

Ды эриви меремс, што тесэ покш чумозо ВЛКСМ-нь Б.-Березниковской райкомонькак. Сон кодамояк практической леске а макси организациятень ды, васняк, политической тонавтнеманьт организавомосонзо.

С. Гуляньшин.

Московов экскурсияв

Минек республикань школатнестэ 30 эйкакш июлень 14-це чистэ молинь экскурсияв Советской Союзонь столицатень—Москов ошов.

Экскурсияв улить кучозь сехте вадра отличниктне, конат тонавтнемадонть башка активной участия примакшность школьной общественной эрямосонть.

Московсо эйкакштне молинь велень хозяйствань Всесоюзной выставканть,

косо невтезь минек масторонь социалистической земледелиянь ды животноводствань успехтне.

Эйкакштне вансызь Московонь метрополитенанть, Москва-Волга каналонть. Молинь Третьяковской галлерейанть, музеев ды столицань лия культурной учреждениатнес.

В. Капралов.

Выпускной вечер

Неть читнестэ Гузынца велесэ ульнесь неполной средней школань 7-це классонь тонавтиятнень выпускной вечер. Вечерсанть ульнест отличниктнень тетяст-аваст, велень колхозной ды партийной руководителть.

Вечерась организавазель аволь беряньстэ, ульнесь невтезь художественной часть.

П. Вельдяйки.

Б.-Березниковской р-н.

ЛЕРМОНТОВСКОЙ МУЗЕЙ

Пензенской областень, Лермонтово велесэ (икелень Тарханы велесэ), косо эрсь ды калмазь великой русской поэтась М. Ю. Лермонтов, панжозь му-

зей, конаньсэ невтезь поэтанть эрямозо ды творческой деятельностезь. Ней велесэ аноксты эсензэ великой земляконть юбилейнестань.

Саранск ошонь комсомольской организациясонть агитационно-пропагандистской роботадонть*)

ВКП(б)-нь XVIII-це съездсанть эсь докладсонзо Сталин ялгась мерсь, што «ули наукань вейке отрасли, конань содамось должен улемс обязательнойке наукань весе отраслатнень большевиктнень туртов,—те марксистско-ленинской наукась обществадонть, общественань развитияно законтнеде, пролетарской революциянь развитиянь законтнеде, социалистической строительствань развитиянь законтнеде, коммунизмань победадонть марксистско-ленинской наукась».

А кода улемс социализмань полноценной строитеелек, массатнень организаторок ды руководителек, партиянь ды советской правительствань политикак ды решениат массатнень толковияк, марксизмань-ленинизмань апак тонавти, политической эсь образованиянь апак кепеде.

«ВКП(б)-нь историянь краткой курсонть» лисемадонзо мейле Саранск ошонь комсомолетнэ активистнэ кундасть марксизмань-ленинизмань знаниянестэ овладениянть. Производственной ды учрежденческой организа-

циянь 1.512 комсомолетнэнь эйстэ 860 ломань тонавти ВКП(б)-нь историянь самостоятельно ды кружоксо, 76 ломань прыдыз Краткой курсонть тонавтнеманзо ды ней роботыть марксизмань-ленинизмань классиктнень произведеният тонавтнеманьт лангсо.

Котонинной фабрикань комсомольской организациянь секретаресь Ворожейкин ялгась роботы первоисточниктнень лангсо. Комсомолетнэ Бор ялгась, седе башка, што тонавти аспирантурасо, истяжо роботы марксизмань-ленинизмань классиктнень произведеният лангсо. Тонавтнема Бор ялганть лезды касомс эсензэ практической роботасонзо. Ней сонзэ выдвинули Мордовской республикань госпланонь председателень заместителек. Психолечебницань комсомольской организациянь секретаресь Михайловская ялгась тонавти Ленинэнь трудонзо «Материализм и эмпириокритицизм».

Котонинной фабрикасонть меельсэ шкастонть пек седе вадрыладз теvesь политобразованиянь марто. Тосо весе комсомолетнэ охваченной политической тонавтнемасо. Госпланонь весе комсомолетнэ тонавти ВКП(б)-нь

Эйкакшт, моледе тонавтнеме музыкальной школав!

Эйкакшонь музыкальной школась панжозь кавто иеде тее икеле. Сонзэ эйсэ тонавти 75 эйкакш, конат теке марто вейсэ якить тонавтнеме средней школав. Юной скрипачтне ды пианистнэ, музыкань основатнень ды налксемань техникань тонавтнезь, вивгавтыть эсь слухост ды получить паро образования.

Ней прыдовсь тонавтнема иес. Иень итогтне улить теезь отчетной концертсэ, конасонть примить участия 14 отличник. Вова Спиридонов седясы фортепьяносо Глиерань моронть «В полях», Люся Дубровская—Дюссетань съсонатианть. Программасонть улить истят технической сложной произведеният, кода Бетховенэнь «Экосезы», Дунклерань «Арии с вариациями», Чайковский «На тройке».

Теке жо концертсь ули транслировазь радио вельде июнень 20 це чистэ. Эйкакшонь музыкальной школань

тонавтиятнень ютксо улить ламо эрзят (Нагорнова Мотя ды Ежовкина Оля), конат тонавти эрзянь моронь седямо. Сын жо ульнест отличникс средней школасо.

Те иень сёксня те школась карми примамод тонавтият. Сеть эйкакштнень, конатнень ули мелест лисемс музыкантокс, эриви максомс заявления. Школанть улить 4 пианинано. Те максы возможность тонавтиятнень, конатнень арась кудосо пианинаст, школасо тонавтомс заданиянть.

Счастливой советской эйкакштне пек покш мель явить музыкальной тевентень. Кемдяно, што те иень наборось максы тенек ламо од талантливой тонавтият. Эйкакшт, моледе тонавтнеме музыкальной школав!

В. Киушкина.

Эйкакшонь музыкальной школань завуч. Саранск.

Комсомольской звена

«16-це партсъезд» колхозонь комсомольской организациясь вадрылгавтызе эсь роботанзо. Эрва комсомолетнэ нейти трудонь сэрей показателть.

Комсомолетнэ организовасть комсомольско-молодежной звена, козонь составь ВЛКСМ-нь 4 члент ды 12 аволь союзной од ломань.

Те звенась колхозсо нейти пример весе лия звенатнень. Апак вано берянь погоданть лангс, 45,9 гектар площаденть, кода кемекстазель сонензэ, видизе сех икеле.

Комсомольской звенась эсь участказонзо видсь 4 гектар суро, 14,4 гектар пинеме, 8 гектар вика, 10 гектар товжуро, 2,5 гектар лиянз ды 5 гектар модамарь.

Эрва комсомолетнэ тейсь 150 ламо трудочи.

И. Почтов,

Рыбинской р-н.

Озавтнесть 150 умарина

Тундонь перть Саранской районь «Левжа» совхозонь комсомолетнэ озавтнесть 150 умарина ды лия фруктань чувто.

Б. Арсентьев.



Кученяевской НСШ-нь (Ардатовской район) 6-це классонь тонавтият А. Удельнов тонавтнема иень прыдызе вадра отметка марто. Кизнь шкастонь сон кармась роботамо колхозсо сёрмань канглицяк.

СНИМКАСОНТЬ: А. Удельнов кандсь газета подписчикнень.

Фотось С. Голубевень.

историянь, сыяст эйстэ ниле ломать прыдыз партиянь историянь тонавтнеманзо средней звенанть коряс ды ней роботыть первоисточниктнень лангсо. Комсомольской организациянь секретаресь Соколова ялгась тонавти «ВКП(б)-нь историянь краткой курсонь» 7-це главанть.

Большевистской партиянь историяно тонавтнема парсте аравтозь наркомкостонь комсомольской организациясонтькак. Тонавти весе комсомолетнэ. Эрсить теоретической конференцият, ялгань собеседованият. Комсомолетнэ вейсэ якить лекцияв.

«Восход» артелен комсомолетнэ тонавти политграмотанть, парсте анокстакшныть занятиятнес ды активно участвують вопроствань толковамсто. Можналь бу невтеме зярды лия примерт, конат кортыть седе, што минек ошонь сех ламо комсомолетнэ кеместэ роботыть эсь лангост, кепедить политической уровенест, овладавак марксизмань-ленинизмань знаниянестэ.

Яла теке эриви меремс, што аволь весе комсомолетнэ ды активистнэ кода эриви кундасть политической тонавтнеманть.

ВЛКСМ-нь уставонь омбоце параграфсонть сёрмадозь: «ВЛКСМ-нь члентнэ обяваны: а) тонавтнеме Марксонь, Энгельсэнь, Ленинэнь, Сталинэнь трудост ды толковам марксистско-ленинской учениянь од ломанень келей массатнень...» Лисня, што марксист-

ско-ленинской знаниянестэ овладениясь—эрва комсомолетнэ обявностезь. Но улить минек ютксо истяк, конат тень эзизь чарькоде ды а тонавтыть ВЛКСМ-нь уставонть.

Вана, примеркс, ценькомбинатонь инженересь Седанкина ялгась овси а тонавти ВКП(б)-нь историянь. Эйкакшонь парконь директорсь Сысуев ялгась кортиль, што Краткой курсонть сон «ютызе» 1939 иестэ. Мартонзо кортнема тне невтизь, што сон мезеяк а соды столыпинской реформадонть. Партиянь III-це съездэсь, келя, ульнесь 1891 иестэ, 1905 иень революциянь лави пролетарской, мезеяк а соды НЭП-танть ды военной коммунизмадонть, а содасынзе СССР-нть основной экономической задачанзо, беряньстэ разбирается географической картасонть, ламо тапакракшны Европасо ды Африкасо военной действиянень коряскак.

Педучилищань преподавателесь-комсомолетнэ Мысин ялгась мерсь, што сон прыдызе «ВКП(б)-нь историянь краткой курсонть» тонавтнеманзо. Но сон пек беряньстэ разбирается партиянь историянь вопроствань. А содасы, зярдо ульнесь введен НЭП-сь, ансяк, келя, содан, што отменен 1924 иестэ. Кода теде мейле можна меремс, што «мон прыдыз краткой курсонть тонавтнеманзо». Мысин ялгась жо натой

(Пезэ 4-це страницасо).

*) Статьясь теезь ВЛКСМ-нь горкомонь пленумсо Потемкин ялганть докладонзо коряс.

Протоколтнэ конёв панкскэ лангсо

Ящикесь тыц пешкедсь конёвдо. Эрва конёв панкскесэнь сёрмадозь комсомольской собраниянь протокол. Ламот эйстэст карандашсо черькстнезь ды пацказь.

— Меке иста кирдядо протоколтнэнь?—весть комсомольской собраниясо кевкетизь ВЛКСМ-нь комитетэнь секретаренть Тугаева ялганть.

— Ванды тейсынь,—алтась сон.

Но те алтамось кадовсь анык валсо, тевсэ жо мезеяк а теи. Иста тевесэ ашти Алова велень средней школасо.

Дюрка велень комсомольской организациясонтькак протоколтнэнь вадри-сто кирдемантень мель а явить. 1941 иень декабрынь 10-це чинь отчетно-выборной собраниянь протоколтнэ ёртнезь кува понгсь.

А седе вадриасто ашти тевесэ протоколтнэнь оформлениянь марто Параней велень ды Капасовань неполной средней школань комсомольской организациятнесэ.

В. Начакин.

Атяшевской р-н.

Школасо военно-физкультурной роботась

Тонавтнемань 1940—1941 иестэнь Алова велень средней школасонть парсте аравтозель военно физкультурной роботась. Тосо аноктась весемезэ 288 значкист. Ламот максызь норматнэнь ГТО-нь, БГТО-нь, ПВХО-нь ГСО-нь, ВС-нь значоктнэнь лангс. Тонавтициатнэнь ютксо аноктась ПВХО-нь коряс 12 инструктор.

Комсомолецтнэ ды од ломатне активной участия примакшность лыжной комсомольской кроссонть эйсэ, гимнастической соревнованиятнесэ ды ней—чийнемань коряс профсоюзно-комсомольской кроссонть эйсэ. Ютавтозель пионертиэнь ды школьниктнэнь военно-физкультурной соревнованиат. Ульнесэ военнизированной поход противогаз марто.

В. Яковлев.

Атяшевской р-н.

Саранск ошонь комсомольской организациясонть агитационно-пропагандистской роботадонть

(П Е З Э)

пря шны ды сон овси оймась ды овси а роботы политической эсь образованиязо кепедеманть лангсо.

Пенькокомбинатсо 80 ломань овси а тонавтиць, хлебокомбинатсо—14, маслозаводсо—8, махорочной фабрикасо—10 комсомолецт. Швейной фабрикасо 18 комсомолецтнэнь эйстэ кружокс якить 5—8 ломань. Консервной комбинатсо политонавтемань коряс тевесэ кадозь самотекс.

Весе тень кувалт минек комсомолецтнэнь ютксо улить зарья политической нежеждат.

Комсомолецтнэнь ютксо алак организова политической тонавтемась аэро-клубсо, кооперативной курстнесэ, акушерской школасо. Тосо ловить, што сынесть саты программной материалонь ютамоськак, секс самай ламо комсомолецт (аволь союзной од ломатнеде уш а месь кортамска) овси а содасызь текущей политикань секте элементарной вострнэнь.

Зарья организациява комсомолецтнэ пек аламо ловныть художественной литература. Минь жо содатано, што художественной литературась пек лезды ломаненть культурной уровенезэ кепедемантень, знаниянзо сюпалгавтомантень.

Комсомольской зарья организацият мезеяк эзть тее сень коряс, штобу ютавтнемс теоретической конференцият,

собеседованият, комсомолецтнэнь докладт партиань историянь вострнэнь, текущей политикань, международной положениань вострнэнь коряс.

Саранск ошо сеетсэ эрсит лекцият. ВЛКСМ-нь организациянь кой-кона секретарне а мелявить сень кисэ, штобу комсомолецтнэ яксекшне-вельть неть лекциятнес.

Ошонь комсомольской организациясонть беряньстэ ашти тевесэ агитационной роботанть марто. СССР-нь, РСФСР-нь, МАССР-нь Верховной Советнэс кочкамотнень шкастонть ошонь комсомолецтнэнь эйстэ 162 ломань роботась агитаторокс ды 77 ломань ульнесэ избирательной комиссиянь членэкс. Минь эзинеж машто кемекстамс сесь успехтнэнь, конат тевезель агитационной роботасонть Советнэс кочкамотнень шкастонть. Секс ней сех ламо агитатортнэ а ветить кодомояк работа.

Кой-кона агитатортнэ жо ловить иста, бути сын кемекстазель избирательной участка, секс сын тосо анык должны роботамска. Эсь предприятиясо, учреждениясо агитационной работа а ветить. А ведь ули мезень коряс ветямс агитация. А ведь эрям витькстамс, што натой Колмоле Пятилеткань (нилеце иень полдавт) Заемонть лангс сёрмадоманть коряскак ламонь таркава беряньстэ моли агитационной роботась. Или вана истямо факт: пень-



Июень 16-це чистэ Саранск ошонь 18 юной турист тусть походе Саранск—Инсар маршрутонь коряс. Июень 15-це чинь чокшне эйкакшонь парксонть юной туристнэ невтись эйкакштненень, кода сын кармить эрямо походе.

СНИМКАСОНТЬ: лагересь ве ёндо ваномсто.

Фотось П. Ивановь.

Юной туристнэ тусть походе

Тонавтемас иенть прыдоманозо мейле эйкакштне кармасть оймсеме.

Июень 16-це чистэ Саранск ошонь юной туристнэ отрядтнэ валске марто тусть походе минек республикань эрва кодамо направлениява. Туристской экспедициясь получась телеграмма Советской Союзонь кавксть героенть Папанин ялганть пельде.

«Поздравляю тынк, вечкевикс эйкакшт, туристской кизэньт ушодовоманозо марто. Арсян тенк парсте ютавтомс экспедициянт», — сёрмады Папанин ялгась.

5-це номер школань юной туристнэ тусть Саранск—Ичалки маршрутканть. Сын кармить молеме Инсар леенть кувалт. Кармить тонавтемас те леенть

животной ды растительной мирэнэ, берегтнэнь геологической строениянт. Пурныть насекомонь коллекцият, растениянь гербарийт, геологической коллекцият.

Эйкакштнэнь экскурсионной туристской станциясонть юной туристнэнь отрядось сыргась Саранск—Инсар маршрутканть. Сын кармить тонавтемас 17-це пивгень исторической валонть.

Юной туристэ тонавтнесызь тематнэнь, конат кармить экспонироватьсэ «Минек родинась» выставкасонть, кона панжови Московсо Октябрьской революциянь XXV-це годовщианть честсь.

А. Асеев.

Европасо, Африкасо ды Азиясо войнась

(Июень 16-це чистэ военной действиятнэнь дневник)

Меельсь читнестэ германской авиациянт действиянзо ульнесэ полдазь английской судоходстванть каршо. Атлантической океансо, пачти германской сводкась, германской бомбардировщиктне истожаст вете грузовой пароходт.

Английской самолетнэ атаковаст германской суднат Германиянь, Франциянь ды Голландиянь территориальной ведтнесэ. Июень 16-це чинь каршо вестэнь бомбардировазь Рурсь, Кельнэсь ды Ганноверэсь (Германия). Ульнесэ ёртось бомбат Дюнкерксэ доктнэнь лангс (Франция). Английской истребительтне леднест Франциясо аэродромтнэнь лангс.

Средиземной морянь восточной пелькесэнь, кода тешкстни германской сводкась, германской самолетнэ ваявтсь чожда английской крейсер ды бомбардировизь Кипр островонть лангсо аэродромтнэнь.

Северной Африкасо, Соллумонь районсонть, англичанонь покш вийтне ушодеть наступления. Германской общениатнэнь коряс, германо-итальянской войскате отбили противниканть атаканзо, тень пивгетэ истожаст 60 английской танка. Бойтне яла молить.

Абиссиниясо, Содду районсонть, Рейтер агентстванть лангосонь коряс, англичантнэнь максызь прят кавто-тыща итальянской солдат генерал марто. Английской войскате партизантнэнь лездамо марто ялз кружить основной итальянской вийтнэнь Джиммань районсонть.

Сириясо английской ды дегаллевской войскате, конат ветить наступления юг ёндо, теке марто ве шкасто шаштыть кавто основной ёнга—Дамасконть ёнов ды Бейрутонть ёнов. Неть оштнэнь поступнэсэ молить пек виев бойт. Английской войскань колоннатне молить иста жо Ираксо турецкой границанть кувалт ды сонзэ эйстэ юг ёнов.

Ассошиэйтед Пресс агентствась пачти, што Сириясо французской командованиясь получась Франциясто од подкрепленият самолетсо. Американской корреспондентнэнь сообщениаст коряс французской кавто эсминетнэ мекепанизь британской военной кораблятнэнь, конат снартнест совамс бейрутской залиVENTнэнь. Англичантнэ потаст пель часонь перть бойденть мейле. Июень 15-це чистэ Сайда ошонь маласо пек колазь вейке английской эсминец. Теде икеле тосо седе аволь пек колазь лия эсминец. Июень 16-це чистэ валске французской кораблятне васодеветь Бейрутонть маласо кавто английской крейсер ды ниле эсминец марто.

(ТАСС).

США-со консульстватнэнь пекстамодо Германиянтень американской нотась

США-нь правительствась кучсь Германиянтень нота, конаньсэ кармавть пекстамс июень 10-це чинтень Соединенной Штатнэс Германиянь весе консульской органтнэнь ды иста жо Транс-соцеан агентствань отделениянт, германской информационной библиотеканть, чугункань кинь туристской бюронть. Те требованиась а савкшны германской посольстванть коряс.

(ТАСС).

Отв. редакторсь А. ЩЕГЛОВ.